

[7:40]

וַיַּעַשׂ חִירוֹם אֶת־הַכִּלְיוֹת וְאֶת־הַיָּעִים וְאֶת־הַמְּזָרְקוֹת וַיְכַל חִירוֹם לַעֲשׂוֹת  
אֶת־כָּל־הַמְּלָאכָה אֲשֶׁר עָשָׂה לַמֶּלֶךְ שְׁלֹמֹה בַּיַּת יְהוָה:

[7:41]

עֲמֻדִים שְׁנַיִם וְגִלְתֵּי הַכְּתָרֹת אֲשֶׁר־עַל־רֹאשׁ הָעֲמֻדִים שְׁתֵּים וְהַשְּׂבָכוֹת שְׁתֵּים  
לְכֹסֹת אֶת־שְׁתֵּי גִלְתֵּי הַכְּתָרֹת אֲשֶׁר עַל־רֹאשׁ הָעֲמֻדִים:

[7:42]

וְאֶת־הַרְמָנִים אַרְבַּע מֵאוֹת לְשְׁתֵּי הַשְּׂבָכוֹת שְׁנֵי־טוּרִים רְמָנִים לְשְׂבָכָה הָאֶחָת  
לְכֹסֹת אֶת־שְׁתֵּי גִלְתֵּי הַכְּתָרֹת אֲשֶׁר עַל־פְּנֵי הָעֲמֻדִים:

[7:43]

וְאֶת־הַמְּכָנוֹת עֶשְׂרֹת וְאֶת־הַכִּלְיוֹת עֶשְׂרֵה עַל־הַמְּכָנוֹת:

[7:44]

וְאֶת־הַיָּם הָאֶחָד וְאֶת־הַבָּקָר שְׁנַיִם־עֶשְׂרֵת תַּחַת הַיָּם:

[7:45]

וְאֶת־הַסִּירְיוֹת וְאֶת־הַיָּעִים וְאֶת־הַמְּזָרְקוֹת וְאֶת־כָּל־הַכְּלִים הָאֵלֶּה אֲשֶׁר עָשָׂה  
חִירוֹם לַמֶּלֶךְ שְׁלֹמֹה בַּיַּת יְהוָה נְחֹשֶׁת מִמִּרְט:

[7:46]

בְּכֶפֶר הַיַּרְדֵּן יִצְקֻם הַמֶּלֶךְ בְּמַעְבְּהָ הָאֲדָמָה בֵּין סְבוֹת וּבֵין צָרְתָּו:

[7:47]

וַיִּנַּח שְׁלֹמֹה אֶת־כָּל־הַכְּלִים מְרֹב מְאֹד מְאֹד לֹא נִתְקַר מִשְׁקַל הַנְּחֹשֶׁת:

[7:48]

וַיַּעַשׂ שְׁלֹמֹה אֶת כָּל־הַכֵּלִים אֲשֶׁר בַּיִת יְהוָה אֶת מִזְבֵּחַ הַזָּהָב וְאֶת־הַשִּׁלְחָן אֲשֶׁר  
עָלָיו לַחֵם הַפָּנִים זָהָב:

[7:49]

וְאֶת־הַמְּנֹרוֹת חָמֵשׁ מִיָּמִין וְחָמֵשׁ מִשְּׂמֹאל לִפְנֵי הַדָּבָר זָהָב סָגוּר וְהַפָּרַח  
וְהַנֵּרֹת וְהַמְּלָקָחִים זָהָב:

[7:50]

וְהַסָּפוֹת וְהַמְּזַמְרוֹת וְהַמְּזַרְקוֹת וְהַכַּפּוֹת וְהַמַּחֲתוֹת זָהָב סָגוּר וְהַפְּתוֹת לְדַלְתוֹת  
הַבַּיִת הַפְּנִימִי לְקֹדֶשׁ הַקֹּדְשִׁים לְדַלְתֵי הַבַּיִת לְהִיכָל זָהָב: